



PROLEGOMENON

CAPUT I.

De fundamento, Occasione, Scopo, Ortu & progressu Directorii Universalis.

Quod titulus, Lector benevole, Tabulis Directorium accuratissimi & immortalis laude dignissimi Mathematici REGIOMONTANI praefixus pollicetur: quod nimirum non tam Astrologiae iudiciariae, quam tabulis instrumentisque innumeris fabricandis utiles ac necessariae sint: id ipsum ego meo loco, puto & alios suo, verissimum expertus fui. Ac calculum quidem ex tabulis illis aliquandiu non sine animi voluptate felicissime & expeditissime institui: verum quam accuratus is est, tam difficilem, laboriosum, & prolixum, eundem esse, praesertim in methodo dirigendi, nemo nisi inexpertus ignorat.

Hec dicens minimè secedo in partes LUCÆ GAURICI EPISCOPI GEOPHONENSIS ET CIVITATENSIS, ut se appellat, qui in tomo secundo suorum operum, Astrologiam praedictivam continente, meritissimum & excellentissimum hunc virum obscuritatis & confusionis, & nescio cuius erroris insinulavit. Sed vah! quantum est discrimen inter illum Germanum & Italum hunc? Tantum penè, quantum inter MUSAM ET GRACULUM (quod pace tanti Episcopi dixerim.) Genus enim hoc ipse suum sasis prodit ridiculis
sui